

Санкт-Петербургская
православная духовная академия
Архив журнала «Христианское чтение»

В.Г. Дружинин

«Священноиерей»

**Матвей Андреев, его беседы с
беспоповцами и послания к ним:
к истории полемики между старообрядцами в
начале XVIII века**

Опубликовано:

Христианское чтение. 1908. № 10. С. 1342-1364.

© Сканирование и создание электронного варианта:
Санкт-Петербургская православная духовная академия
(www.spbda.ru), 2009. Материал распространяется на основе
некоммерческой лицензии [Creative Commons 3.0](https://creativecommons.org/licenses/by/3.0/) с указанием
авторства без возможности изменений.



СПБПДА
Санкт-Петербург
2009

„Священноіерей“ Матвѣй Андреевъ, его бесѣды съ
безпоповцами и посланія къ нимъ *).

(Къ исторіи полемики между старообрядцами въ началѣ XVIII вѣка).

VI. Посланіе къ Ивану Ивановичу и Игнатію Трофимовичу. 17 фев-
раля 1733 г.

(л. 83). Обительнымъ ¹⁾ наставникомъ Ивану Ивановичю, Игнатію Трофимовичю священноіерея М. А. 7241, еевраля 17 день ²⁾.

(л. 83). I. О познаніи благочестивыя вѣры и единая святыя церкви, и о пречистыхъ тайнахъ, и о священствѣ, и о прочихъ церковныхъ догматѣхъ.

II. О познаніи самыхъ обительныхъ наставниковъ и большаковъ, кто они есть въ духовномъ чину и почему и како ихъ познати по чину и по дѣломъ ихъ.

Благій человекъ отъ благаго сокровища сердца своего износитъ благое, и злій человекъ отъ злаго сокровища сердца своего износитъ злое ³⁾.

Благочестивый читатель! ⁴⁾ Благаго корени добрыя вѣтви и оwoщіе сладко и всѣмъ пріятно. Доброе или злое древо отъ плода своего познано будетъ. Аще кто мудрый или немудрый, отъ вещи вино познаеть. Доброе да хранить, а отъ злаго да бѣжить.

I. Катихизиса Большаго глава IV. Сиче познати имуть истинное ученіе о вѣрѣ, и о церкви Христовѣ, и о церковныхъ догматахъ отъ учителей церковныхъ ⁵⁾, аще послѣдуютъ преданію святыхъ отецъ 7 соборовъ, и евангельскую проповѣдь и апостольская ученія право сказуютъ, безъ прилоговъ, еретическихъ и латинскихъ обычаевъ.

II. Познати имуть: имѣеть ли ся ва нихъ тихое пристанище святыя соборныя апостольскія церкви, единомысліе о

*) Продолженіе. См. августъ—сентябрь.

¹—²) *Приписано на полтѣ.* ³) Завѣтъ Новый Лук. 6. ⁴) *Приписано на полтѣ.* ⁵) Молю внимати и чести.

7 церковныхъ тайнахъ и о законѣ благодати и призваны-ли входятъ въ чинъ учительскій ¹⁾; и отъ дѣлъ вѣры да явятся, таковѣи, понеже мнози живѣи учителя изыдоша въ миръ, лжепророды и лжехристи, и лжеапостоли, и таковыхъ св. писаніе учитъ вельми блюстися.

Вопросы ²⁾ о познаніи обительныхъ наставниковъ самочинныхъ и неосвященныхъ учителей и крестителей, и коварныхъ разногласниковъ, каковъ они чинъ имѣютъ, и что вѣра, и церковь, и мудрованіе ихъ ³⁾.

Понеже вся наша мудрость христіанская всѣмъ предлежитъ, еже Господа Бога намъ знати и самѣхъ себе, и сего ради азъ странствующій за имя Христово многогрѣшный іерей М. А. вопрошаю тя ⁴⁾: да явиши намъ на письмѣ о себѣ знать и о прочихъ вѣдати.

А. Вопросъ 1. Аще-ли ты благочестія рачитель и апостольскимъ преданіямъ хранитель и богословцемъ поборникъ и церкви Христовы защитникъ, истинный учитель и добрый пастырь овцамъ заблужшимъ ⁵⁾ кто еси ты въ духовномъ чину, рцы ми, и откуда, коей страны, коего града, какова чину и како себе нарицаешь, въ Христовѣ ли церкви стоиши или въ смущенной? Яви намъ о семъ и напиши.

Б. Вопросъ 2 ⁶⁾. Благородіе и честность вашу видимъ: нарицаешься христіанинъ, о чинѣ вашемъ хожемъ вѣдати, како нарицаетесь: наставникъ ли, учитель или святитель, или креститель, или пророкъ, или апостоль, или мученикъ, или исповѣдникъ и проповѣдникъ вѣры Христовы? Въ законѣ ли благодати Христовы стоишь? И который тайны церковныя храниши? Како о законѣ исповѣдуешь? Яви намъ о семъ и напиши увѣренія ради всѣмъ.

В. Вопросъ 3. ⁷⁾ Видимъ образъ вашъ, аки благочестія христіанскаго и хожемъ о вѣре вашей вѣдати (об.) ⁸⁾. Святъ и вѣренъ почто нарицаешься? Откуда святъ былъ еси? Рцы ми. Откуда нарицаешься вѣренъ? Откуда вамъ благодать и миръ? Кто ли тя сотвори вѣрна? Кто Сына Божія? Которые тайны ввѣришася вамъ? Чимъ Христу приобщися? Чимъ освятися? Которую имѣете святыню у себе? Явите намъ. Вѣру правую ли имѣете, и что есть преданіе вѣры, и что догматы вѣры, яви намъ. Въ которые лѣта отпала вѣра въ Россіи и наста нечестіе, и что оно разумѣете нечестіе? Антихристовъ ли приходъ или еретики и которыхъ еретикъ ереси? Яви намъ.

¹⁾ Сей акростихидъ. ²⁾ Нынѣшняго 1739 сентября 11 день. *Не указываетъ ли эта дата на время написанія настоящей рукописи?* ³⁾ Катихисъ Большой, глава I. ⁴⁾ По орфографіи. ⁵⁾ Азъ есть всему міру свѣтъ. ⁶⁾ Богъ есмь прже всѣхъ вѣкъ. ⁷⁾ Вижу всю тайну человѣческую. ⁸⁾ Златоустъ. Бесѣд. листъ 2031.

Г. Вопросъ 4¹⁾. Глаголю же вамъ сыновомъ человѣческимъ, есть ли ты въ коемъ церковномъ духовномъ чину: епископъ, или попъ, или дьяконъ, или дьячекъ, или чететь, или пѣвецъ, или понамарь, или трапезникъ, или уставшикъ, или законоучитель, или премудрый книжникъ, или философъ, или риторъ, или софиста, или сказатель, или диспутать, или книгоносець, или будильникъ, или просвирякъ? Паки яви намъ: что ты есть въ послушныхъ своихъ? Глава ли ты у нихъ²⁾ или око, или рука, или нога, или отецъ, или братъ, или другъ, или клеветъ, или рабъ, или послушникъ? Слышимъ мы, что ты ѣздишь по градомъ и по всѣмъ странамъ, людей учишь и крестишь, исповѣдуешь и прощаешь, и разрѣшаешь, якоже попъ, и проводъ отпѣваешь, дома и родильницы очищаешь, и тревогруженныхъ прекрепчиваеши. Яви намъ, коимъ чиномъ дѣйствуеши.

Д. Вопросъ 5.³⁾ Добро есть вѣрующимъ во имя Ісуса Христова. Глава Христосъ церкви своей, еже есть тѣло Его. Христосъ есть глава, мы же тѣло и уды его. Той основаніе, мы же зданіе, той лоза, мы же рождіе, той пастырь, мы же овцы, той женихъ, мы же невѣста, той свѣтъ, мы просвѣщаеміи и проч.⁴⁾ Аще нѣрни Христу нарицаетея, како отсѣчесе глава Христосъ отъ своего тѣла вѣрныхъ? Како разлучись женихъ невѣсты своя любимыя? Како отженесь женихъ — Христосъ своя невѣсты — церкви, за нюже на крестѣ умре и кровь свою пролія? Како пресечесь жертва святое приношеніе, тѣло и кровь Христова и священство? Кто васъ безвѣріемъ симъ уморилъ? Кто васъ ограбилъ и святыни лишилъ? Явите нашъ тайныхъ татей, и волковъ, и губителей. Кто суть самогубители, пренебрегающіи отлученія архіерейскаго и іерейскаго, о коихъ Златоустъ пишетъ⁵⁾? Кто суть схизматицы, ссѣцающіи церковное соединеніе и отдѣляюще себе отъ церкви и отъ единости вѣры? Кто суть ссѣцающіи исполненіе церковное и тѣло Христово разтерзающіи паче, нежели войны копіемъ пресѣкоща и гвоздьми прободоша? Явите намъ о семъ именно⁶⁾. Кто суть еретицы, кто разкольниковы, кто подцерковницы, и что отступницы? Которые горши всѣхъ, и отъ которыхъ второе крестити подобаетъ? Кто суть тайные волки и сокрытые тати и скверныи еретицы? И кто самочинные лжеучители, неосвященные преблазнители, лжеапостоли и лжепророки, которые учили о кончинѣ, во гробы ложились, въ ямы сажались и сами жгли ся? За правду ли стояли и померли? Согласны ли съ вами или ни, и поминаете ли ихъ или ни? Явите намъ о

¹⁾ Господь въ церкви святей Своей, Господь на небеси престолъ Его, Господь испытаетъ праведнаго и нечестиваго. Псаломъ 10. ²⁾ 6 соб. прав. 64, листъ 198. Мѣрскій человекъ да не учитъ. ³⁾ Златоустъ. Бесѣд. лист. 650. ⁴⁾ Явите намъ сіе. ⁵⁾ Книга о священ. глава 4. Бесѣд. 1692. ⁶⁾ Добро есть прежде объявити правую вѣру свою и учителя, коея есть церковь.

сихъ и напишите и свитокъ правыя своей вѣры, въ чемъ стоите.

(л. 84). **Б. Вопросъ 6** ¹⁾. Есть ли въ вашемъ собраніи святая Христова церковь, основанна на твердомъ камени, непорушима до скончанія вѣкъ, яко корабль и тихое и немятежное пристанище? И кто есть въ ней служащіи отъ священнаго чина: духовникъ, подражатель Господень, апостольскій подобникъ ²⁾, или пастырь, или наставникъ, или свѣтильникъ, или вождь, или путеводець, или полководецъ ³⁾, или воевода, или судія, или властитель, или чиститель, или отецъ братіи, къ Богу нудитель, міру молитвенникъ, или дверникъ, или ключарь, или купецъ, или гостинникъ, или дѣлатель, или строитель, или стражъ, или пастухъ, или чистая баня, или источникъ, или совѣтникъ, или послухъ истинный предъ праведнымъ Судією въ покаяніи ⁴⁾? Яви намъ, есть ли въ ней вся 7 тайны церковныя, безъ которыхъ невозможно спасену быти ⁵⁾. Еретицы жертвениковъ не имуть и, егда въ церквахъ христіанскихъ пребудуть, разоряють, жертвы животнаго хлѣба, пречистаго Агнца не закалають, и вина, честь крове Христовы, въ жертву не приносятъ. Но рекутъ еретицы ⁶⁾: то уже іерейства и жертвы въ церкви Христовѣ нѣсть potreбы. Книга Кормчая ⁷⁾. Еретики вся, глаголетъ, несуща приобщены святѣй церкви ⁸⁾. Единъ Господь, едина вѣра, единое крещеніе, единъ Богъ и Отецъ всѣхъ. Едина есть святая церковь и едина породы насъ мати—купѣль крещеніе, въ единомъ дому воспитани ⁹⁾, единого хлѣба пречистыхъ тайнъ и единой чаши пречистыя крови Христовы причастницы да соединимся съ Нимъ ¹⁰⁾. Сиде мы вѣруемъ.

Ж. Вопросъ 7 ¹¹⁾. Живѣте честность ваша бодро и сохранно, и чистоплодно, и воздержно и неприобщительно міру, подобно якоже аггеловцы. По святыхъ ли отецъ преданію и которымъ святыхъ отецъ житію подобно есть, явите намъ. Живую ли вѣру ¹²⁾ имѣете, по апостолу православно-христіанскую и коимъ святымъ отцемъ согласны во всемъ церковныхъ догматъ и духовныхъ дѣлъ ¹³⁾? Святая жертва и приношеніе Христовы тайны тѣла и крове и священство ¹⁴⁾, покаяніе, законный бракъ и святыня, которые преданы отъ самого Христа и святыхъ апостолъ и святыхъ богоносныхъ отецъ, безъ которыхъ невозможно спасеннымъ быти, имѣеть ли ся у васъ, и чимъ освящается, и почему вѣрны христіане нари-

¹⁾ Есть гнѣвъ мой на грѣшникъ. ²⁾ Книга Кормчая, листъ 605. ³⁾ Сынъ Церков. 61. ⁴⁾ Да открыете православныя вѣры свитокъ, еже храните до кончины. ⁵⁾ Знам. 6. Кирил. листъ 32. ⁶⁾ Книга Кирил. листъ 76. ⁷⁾ Листъ 641. ⁸⁾ Ефес. глава 4. ⁹⁾ Въ недѣлю 15. Евангеліе тол. ¹⁰⁾ Транкфиліонъ. ¹¹⁾ Жизнь есть въ семъ міру Господь Ісусъ Христосъ. ¹²⁾ А не мертвую. ¹³⁾ Крещеніе, святое миро. ¹⁴⁾ Жезль твой и палица твоя, та мя утѣшиста.

цаетеся ¹⁾? Явите намъ. Живу-жь не къ тому азъ, но живеть во мнѣ Христось ²⁾. Жити Христу въ насъ како? Крещеніемъ присно въ чистотѣ. Женитись възбраняющіи которіи суть? Сожженіи совѣстію, ученіемъ бѣсовскимъ въ лицемѣрїи лжесловъ ³⁾. Женитва честна о всемъ и ложе нескверно. Блудникомъ и прелюбодѣемъ суди-жь Богъ ⁴⁾.

З. Вопросъ 8 ⁵⁾. Зѣло зло законопреступникомъ и развратникомъ, вѣры правый отступникомъ и раздирающимъ церковное соединеніе и догматы страшныя погубляя. Сего грѣха мученическа кровь загладити не можетъ. Звѣзды наричены учителя суть церковныя, и во антихристово время падати имуть съ небеси, еже есть отъ церкви ⁶⁾. Змій великій, гоняй жену—святая церковь, испусти изъ устъ своихъ воду велию, яко рѣку, да ю потопитъ. Рцыте намъ и объявите, гдѣ нынѣ обрѣтается гонима жена святая церковь? Стоите ли въ ней, яко звѣзды, и просвѣщаете ли міръ своимъ сіяніемъ? И явите намъ, коего дверію или дирою и коимъ чиномъ вшелъ въ церковь Христову, се есть въ христіанъ стадо? Кто тя впустилъ? (об.). Въ которую обитель пришелъ? Коимъ наставникомъ пріять? Которымъ чиномъ справиль ты въ крещеніи? По коимъ правиламъ святыхъ апостолъ и святыхъ отецъ? И которые ереси проклиналъ и како въ вѣрѣ и въ законѣ мудрствуеши? Яви намъ о всемъ и покажи на письмѣ.

З. 7). Вопросъ 9 ⁸⁾. Земля-жь бѣ невидима и неукрашенна и тьма верху бездны, и Духъ Божій ношашесь верху воды ⁹⁾. Законъ отъ Бога Моисею данъ бысть о 10 заповѣдъ, о сѣни, о кіотѣ, о іерействѣ и о жертвѣ ¹⁰⁾. Законъ и пророцы до Іоанна, благодать и истинна Ісусъ Христомъ бысть ¹¹⁾. Законъ Божія благодати правъ, и истинненъ, и благъ, и не имать конца, якоже онъ Моисеовъ ¹²⁾. Удобѣе есть небу и земли преити, нежели отъ закона единой чертѣ погнбнуть. За симъ яви намъ о законѣ своемъ, въ коемъ стоишь ученіи? И учителей своихъ: кто они, и откуда и какова чину? Гдѣ кои были въ Новгородѣ, во Псковѣ, въ Копорьѣ, на Ухорѣ, въ Хижахъ, на Деревѣ, въ Вязовщицѣ, въ Польщи, въ Ряпинѣ-Мызѣ? Въ единомъ ли согласіи со святою церковію и со святыми отцы въ вѣрѣ и закона ученіе? И чинъ и уставъ держите, и коимъ согласны? Яви намъ и покажи на писаніе.

И. Вопросъ 10. Иже нѣсть со Мною, на Мя есть; и иже не собираетъ со мною, разточаетъ ¹³⁾. И аще не суть

¹⁾ Псаломъ 22. ²⁾ Галат. Глава 2, тол. 1510. ³⁾ 1 Тимое. 4. 284.

⁴⁾ Евреомъ зач. 333. ⁵⁾ Зло законопреступникомъ. Злагоустъ глаголетъ.

⁶⁾ Апок. 18, листъ 71. ⁷⁾ Земля подножіе ногамъ Моимъ. ⁸⁾ Быт. 1. ⁹⁾ 2 заковъ 5. Исходъ 31. ¹⁰⁾ Луки 16. Іоанна 1. ¹¹⁾ Катихисъ глава 48. ¹²⁾ Луки 82. ¹³⁾ Луки 11.

со Христомъ, то противъ Христа. Всякъ, иже противится Христу, антихристъ есть ¹⁾). Иже церкви Божіи ²⁾ и причастія себе святыхъ тайнъ удаляюще, врази Божіи бываютъ и бѣсомъ друзи. Иже, аще не исповѣдуетъ безскверныя жертвы суще. тѣлеси Господа нашего Ісуса Христа, да будетъ проклятъ ³⁾). Истинныя ли святыя вѣры правыя и святыя соборныя церкви учителя, явите намъ: о пречистыхъ тайнахъ, и о священствѣ, и о церкви Христовѣ, како вѣрны, отъ книгъ святыхъ. Бесѣдъ листъ 871, книга Кирилла листъ 193, книга Вѣры листъ 45 и 51, Ефремъ листъ 320, Катихисъ Больш. глава 85 и Малый—листъ 33. Во всѣхъ сихъ пишутъ до скончанія вѣка. И откуда приде безвѣріе сіе въ васъ, иже глаголютъ: нѣсть нынѣ приношенія, истиннаго пречистыхъ тайнъ, и священства, и церкви, и вѣра пала, и весьма надстоятъ безвѣрны?

І. Вопросъ 11. Ісусъ Христосъ вчера и днесь, той же и во вѣки ⁴⁾). Въ наученія странна и различна не прилагай, иже аще исповѣсть, яко Ісусъ есть Сынъ Божій. Богъ въ Немъ пребываетъ, и Той въ Возѣ ⁵⁾). И кровь Ісуса Христа Сына Его очищаетъ насъ отъ всякаго грѣха ⁶⁾). Іерейская уста очистилища страшнѣйшая ⁷⁾. Іерейскою рукою Богъ благословляетъ. И ваша честность явите, кто у васъ очищаетъ дома и души ваши освящаетъ, и благословляетъ, и крещаетъ, и надухъ принимаетъ, и прощаетъ и разрѣшаетъ? Неосвященный по которымъ правиломъ дѣйствуетъ? И откуда чинъ той взяли, по святыхъ ли отецъ предаію? И гдѣ кои тако дѣйствовали? Явите намъ и увѣрите отъ святыхъ писаній.

К. Вопросъ 12. Крестъ --- честь и слава есть вѣрующимъ—Златоустъ 2790. Святый Григорій Синаитъ: крестъ три-составный знаменіе есть непостижимо Святыхъ Троицы. Честное древо Троицы бо носитъ трисоставный образъ ⁸⁾). Крестъ похвала и главизна всѣхъ благихъ. Крестъ всѣхъ чудодѣяній Христовыхъ чуднее есть, на немъ Христосъ на жертву принесенъ; освященъ есть кровію Его. Крестомъ смерть упразднися, праотчій грѣхъ разрѣшися, адъ плѣнися. (л. 85), востаніе даровася, двери раю отверзошася. Крестомъ чада Божія быхомъ, елицы во Христа крестистеся, во Христа облекостеся ⁹⁾). Древо живоносное крестъ Христовъ, изъ негоже безсмертію причастихомъ ¹⁰⁾ ¹¹⁾). Како исповѣдуете честный крестъ и гдѣ употребляете его во освященіе души и тѣлу? Вѣрите ли пречистыхъ тайнъ причастію и дору просфиру хлѣбъ Богородицынъ? Кто васъ лишилъ, и ограбилъ, и уморилъ, и отъ коего времени не стало? Явите намъ ¹²⁾).

¹⁾ Поуч. іерар. Листъ 20 ²⁾ Свят. Афанасій. Собор. листъ 118. ³⁾ Потреб. листъ 550. ⁴⁾ Ев. зач. 344. ⁵⁾ Іоанна зач. 73. ⁶⁾ Глава 1. ⁷⁾ Златоустъ листы 1453, 1149. ⁸⁾ Свят. Іоаннъ Дамаскинъ, книга 4. ⁹⁾ 1063. Душа крещеваго самыхъ солнечныхъ лучъ свѣтлѣйши. ¹⁰⁾ Тріодъ. ¹¹⁾ И о семъ явите: вѣрны ли иля ни. ¹²⁾ Апостоль Титу 301.

Свята Бога исповѣдуютъ вѣдѣти, а дѣломъ отмещутся. Крестъ Христовъ въ душу не приѣмлетъ, мерзцы суще и непока-риви ¹⁾ ²⁾. Идѣже христубійцы сходятся, идѣже крестъ отгонимъ есть, идѣже Богъ хулимъ есть, идѣже Отецъ невѣдомъ есть, идѣже Сынъ безчестенъ есть, идѣже Духа благодать отметаема есть, — паче же и самѣмъ сущимъ бѣсомъ большой отсюду есть входъ. Иже гдѣ бѣсъ живетъ, трудно тому въ познаніе правды прийти. О крещеніи. ³⁾ Ключа царствія небеснаго имуть апостоли небеса отверзати пріѣша отъ Христа власть. ⁴⁾ Ключа священниі имуть, тѣмъ бо породитесь рожденіемъ вѣчнымъ, руками ихъ вся бывають, тѣмъ врата небесна отверзаются. ⁵⁾ Кто суть, иже дають крещеніе не едино? Что глаголете погружающіи или возгужающіи? Есть ли лѣпо быть духовному безъ Духа ⁶⁾? Причащается ли Духу нечестуя Духа? Честуется ли возданіе и едиородное? Крещаяся во вторые освящаются ли отъ неосвященныхъ благодатию Святаго Духа? Что творишь новопросвѣщенна и непросвѣщенна, божественна и безбожна? ⁷⁾ Нѣсть бо вторая баня, нѣсть. И о семъ явите, но коимъ правиломъ неосвященниі второе прекрещеваютъ мужъ и женъ, И напишите.

Г. Вопросъ 13. ⁸⁾ Людѣ Божіи многоразумныи и разсудительныи, Іаковъ Григорьевъ, Прохоръ Ивановъ, Мелентій Ивановъ, Семіонъ Васильевъ, Стефанъ Савельевъ, вѣрою увѣряемы, надеждою укрѣпляемы, любовію къ Богу распаляемы и ревностію о церкви Христовѣ, о пречистыхъ тайнахъ и о священствѣ, и о благочестіи — христіанскомъ законѣ — разгаряемы любовію, ложныхъ самочинныхъ лжеучителей, неосвященныхъ и самогубительныхъ, пренебрегателей священнаго чина и ругателей ⁹⁾ имена сіи, которыи первыи: Иванъ Дементьевъ, Іаковъ Сухій, Илья Яковлевъ, Данило Артемевъ, Родіонъ Марковъ, Прохоръ Губатый, Иванъ Москвитинъ, Григорій Белохинъ, Терентій Михайловъ, Алексій Соловьянинъ, Максимъ Андреевъ. Отъ нихъ возпрягнулъ Ѳедосій Васильевъ — главнѣйшій, Терентій Васильевъ, Иванъ Бедра и прочіе. Явите намъ, кто они и какова чину: истинниі ли они учителя или ложные преблзнительи? И согласно ли ученіе ихъ и мудрованіе со святою церковію и со святыми богословцы? Разсмотрите и напишите намъ.

Д. Вопросъ 14. ¹⁰⁾ Мнози бо лжипророцы и лжеучители, овчата быти являющесь, волцы суще, уморяюще сло-

¹⁾ Маргаритъ, листъ 116. ²⁾ Вѣры листъ 265. ³⁾ Бесѣдъ 1608. ⁴⁾ 2288. ⁵⁾ Явите и о семъ. ⁶⁾ Книга Григор. Назіа. листъ 131. ⁷⁾ Златоустъ. Бесѣд. ⁸⁾ Въ лѣто 7211 и Рож. 1710. Моръ былъ. *Подтвержденіе того, что слыдуетъ читать 7218; тоже см. выше стр. 741, прим. 2—3.* ⁹⁾ Къ отцемъ объявиша и дѣлъ ради ихъ отъ нихъ отлучишася. ¹⁰⁾ Евангеліе Тол. листъ 173.

весныя овчата Христова. Такови убо суть вси еретицы. Мнози бо мяху вѣровать, но неправо, ни якоже рече писаніе, и понеже они своимъ ересемъ послѣдоваша, того ради и погибоша. 1) Таковии лживіи апостоли дѣлатели льстивіи, преобразующесь въ апостоли Христовы. 2) Дѣлатели льстивіи дѣлають убо да изторгнутъ насажденная, личину пріимши истинны и имѣніи убо, рече, не взимають, да большая возьмутъ, да душу погубятъ (об.). Мнози 3) бо пріидутъ во имя Моє, глаголюще: Азъ есмь Христось, и многи прельстятъ. 4) Востанутъ бо лже-христи, и лжепророцы, лжеучители. 5) И время приближись, не изыдите убо во слѣдъ ихъ. 6) Молимъ вашу честность: кто есть лже-христи и лжепророки, лжеапостоли, лжеучители, овчата бысть являющесь, и уморяють, и погубляють души, и изторгають насажденное, мнятъ себе вѣрныхъ и истинныхъ христіанъ, образъ ямуще благочестія, силы же отвершесь? Мерзцы суще, мерзостію запустѣнія.

В. Вопросъ 15. Нашъ ли еси правовѣрный. истинный христіанинъ, сынъ церковный или отъ противныхъ нашихъ воюющихъ и ратующихъ церковь Христову Никоніанъ 7)? Или отъ преблзнительей самочинныхъ неосвященныхъ, пренебрегающихъ священнической чинъ и пречистыя тайны, и раздрающихъ церковное соединеніе, и сбѣцающихъ на уды тѣло Христово, сирѣчь вѣрныхъ 8)? Нашъ церковный благочестивый священный чинъ, и догматы и вѣру Никонъ патріархъ нарушилъ; крестъ Христовъ отъ Агнця разлучилъ, и преданное отъ святыхъ отецъ чинъ измѣнилъ, и нелѣпыя раздоры учинилъ. Наставники ваши самочинныи неосвященныи отъ коего времени стали быть 9)? Коего благочестія учителя? Коихъ отцевъ чинъ и уставъ содержатъ? Кое имѣють согласіе со святою церковію? Кои тайны содержатъ? И по коимъ святымъ правиломъ духовныя дѣла дѣйствуютъ? Откройте намъ на письмѣ. Напишите, истинное ли дѣйство ихъ. На неосвященныхъ татей надежду имѣють, оставя святую церковь 10). Напишите, почто не имѣють священнаго чина у себе и пречистыхъ тайнъ, и хлѣба богородична, и доры, и просфиры, и прочихъ святыхъ церковныхъ? Кто ихъ лишилъ и ограбилъ? Напишите увѣреніе.

О. Вопросъ 16. Онъ, Никонъ патріархъ, поставленъ своимъ рускимъ митрополитомъ и епископы всѣмъ священнымъ соборомъ 11): въ лѣто 7162 и 163 измѣнилъ святой чинъ, и благолѣпоту святыи церкви ограбилъ, и книги пременялъ, страхомъ и мученіемъ народъ устранилъ и въ новизну при-

1) Коринф. 194. 2) Тол. листъ 1387. 3) Матѣ. зач. 98. 4) Зач. 99. 5) Лук. 105. 6) Ересь Маркіонисткая 1061. 7) Наставниковъ самоч. съ коего времени, явите. 8) Никонъ поставленъ 7160, ересь—7161—162. 9) Не входяи дверми во дворъ овчій, тать есть и разбойникъ. Іоанна зач. 36. 10) Тать да украдетъ, убіетъ и погубитъ. 11) Въ лѣто 7160-го іюля 25 день.

клонилъ. Они же обительныи наставникѣ и учителя ваше, неосвященныи самочинцы, имя рекъ, откуда взялись ¹⁾? Коего чина церковнаго, святыхъ отецъ преданія? Кто ихъ поставилъ и благословилъ крещенныхъ второе прекрещавать, поповъ и старцевъ разстригать, бракъ разводить и на духъ примать, и прощать и разрѣшать по коихъ священныхъ правиломъ, или по образомъ, или по мерзкихъ еретикъ—Донатистовъ и Мантанистовъ, Богомиловъ и стригольниковъ, которые християнъ отрывали отъ святыхъ церкви въ прелесть свою и 2 прекрещавали, подобне якоже они самочинцы нынѣ творять. Обительныи же ваши, аще есть истинныи учителя правовѣрныи, благочестіе, и вѣру, и преданіе аще отъ святыхъ отецъ, да покажутъ они намъ и увѣрятъ на писании своемъ.

II. Вопросъ 17 ²⁾. Премудрость созда себѣ храмъ и утверди столпъ ³⁾. Премудрость самъ Господь нашъ Ісусъ Христосъ созда себѣ храмъ отъ пречистыя Дѣвы Маріи воплотися, утверди столпъ 7 соборовъ 7, закла жертвенное, самую пречистую тайну—тѣло свое и черпа въ чаши пречистую кровь свою. Посла рабы—апостолы. Проповѣдь, евангеліе и пророчества зри ⁴⁾. Почто, о блазніи, или что пострадасте, остависте Христову овчарню—святую церковь, въ нейже возсіяваетъ и препочиваетъ солнце правды—Христосъ, отнюду-жъ вселенную просвѣти? Почто убо, дворъ сей добраго пастыря оставльше, въ соборище неосвященныхъ самочинцовъ, лжеучителей и преблазнителей вскочисте? Кая знаменія и чудеса въ нихъ видѣсте? (л. 86) Како увѣристеся лжеучителемъ неосвященнымъ святотатцемъ? Которыи святыхъ дары и церковную тайну правую получите? Явите намъ: како души ваши освящаютъ и просвѣщаютъ или како прощаютъ и разрѣшаютъ неданнымъ чиномъ неосвященныи и связанныи узами нерѣшимой тьмы вѣчной? О чемъ познать правое ученіе вѣры и по чемъ познавать еретики ⁵⁾. Показуетъ дѣлъ ради сихъ: аще не имѣютъ пристанища, рекше святыхъ соборныхъ апостольскія церкви, аще непризываемы входятъ въ чинъ учительства, но учать не тако, и прочее. По чемъ познавать церковь Христову ⁶⁾? Показуетъ: церковь Божія есть собранье вѣрныхъ Божиихъ, иже непоколебимо держатъ едину православную вѣру и въ любви пребываютъ, и евангельскую и апостольское ученье непоколебимо содержать, и достойно божественныя Христовы тайны причащенія и священства и прочія, и въ законѣ христіанскомъ пребываютъ незазорно ⁷⁾. Пребываютъ ли незазорно коварныи сѣи самочинныи лицемеры, лживыи учителя? Согласно ли мудрованье ихъ сему ⁸⁾? Пишетъ святыи

¹⁾ Коего лѣта отъ 7000? ²⁾ Прич. 9. 7. ³⁾ Тол. книга Кирил. листъ 72, 302. ⁴⁾ Посланіе Мелетіево 4, листъ 453. ⁵⁾ Катихисъ Больш. Глава 5. Отвѣтъ. ⁶⁾ Катихисъ Больш. и Мал. стихъ 9. ⁷⁾ И о семъ разсмотрите. ⁸⁾ 2 посланіе, зач. 75. Зри.

Іоаннъ Богословъ: всякъ преступаяи и непробываяи во ученіи Христовѣ Бога не имать. Почемъ познавати и сихъ и почемъ познати вѣрныхъ и истинныхъ рабовъ Божіихъ? Чимъ они вѣрны Христу? Почему познати и что есть нырище ихъ? Которыи священные чины, которые святыя тайны дѣйствуются? Развѣ пещера и вертепъ разбойникомъ и тайнымъ татемъ сокровище, которые подкрадають, тайно уморяють и живота вѣчнаго отлучають. Пишетъ святой Златоустъ ¹⁾: неподобно есть безъ святителя ни крестити ни любви сотворить, безъ нихъ бо церкви не просвѣщаются ни тайны совершаются.

Р. Глава 18 ²⁾. Разумѣемъ и мы, братіе, яко корабль есть церковь Христова, въ мірѣ житія обрѣтаема есть; имѣючи плавателя освященныхъ и вѣрныхъ, иже присно имѣють Христа суца съ ними; и мнози нападаютъ на ню врази, хотяще ю разрушити ³⁾. Рай другій есть церковь, и мушій древо живоносное—честный и животворящій крестъ Христовъ, изъ негоже безсмертію причастихомся, живи будемъ ⁴⁾. Раю подобна есть Божіему церковь вселѣ; тамо древо животное, тамо древесна многоплодные, тамо цвѣты просвѣтають многоразличны; нѣсть тамо вопля, нѣсть молвы, ни врази различніи, ниже ереси ни раздоры; единѣхъ тайнъ причастни вси, единѣхъ догматъ святіи сообщницы вси ⁵⁾. Радуйся, живоносный кресте, благовѣрія непобѣдимое оружіе, двери райскія, вѣрнымъ крѣпителю, церковное огражденіе. Распятіе и смерть пріять, животъ безсмертный, два источника безсмертія источилъ есть ⁶⁾. Сице мы вѣруемъ и исповѣдуемъ святую церковь. Разскололюбныхъ разсмотрите соборъ ⁷⁾. Раю, корабля церкви Христовы освященныхъ и вѣрныхъ, и древа животнаго, и безсмертія, и жизни вѣчныя почто отпадаете, яко единъ отъ князь? Раздрателемъ ризы Христовы—соединенія вѣрныхъ, сретикомъ и отступникомъ, татемъ и разбойникомъ самогубительнымъ почему увѣристеся, якоже зміиной прелести въ раю Ева и древа животнаго и плода безсмертнаго лишися?

С. Глава 19. ⁸⁾ Солнце просвѣщаетъ сіяніемъ своимъ всю поднебесную и всѣмъ свѣтоносныя лучи своя свѣтлости и теплоты преподаеть: тако Господь нашъ Ісусъ Христосъ истинное солнце, пресвѣтлое незаходимаго свѣта, вѣчное сіяніе просвѣщаетъ всѣхъ, къ себѣ приходящихъ и на души и на тѣлѣ. ⁹⁾ Святъ и вѣренъ почто нарицаешись? Откуда святъ былъ еси, рцы ми (об.). Откуда нарицаешись вѣренъ христіанинъ? Откуда вамъ благодать и миръ? Кѣмъ ли ты сотвори вѣрна? Кѣмъ сына Божія? Како сынъ цер-

¹⁾ Прологъ. Марта 10 день. ²⁾ Евангеліе тол. недѣля 23. ³⁾ Трїодъ постная, недѣля 3 поста. ⁴⁾ Бесѣд. на дѣян. нравоч. 18. ⁵⁾ Служ. чест. креста. ⁶⁾ Сред. сѣд. ⁷⁾ Явите ложніи апостолы ложніи учителяи слуш. ⁸⁾ Недѣля 7. поуч. ⁹⁾ Свят. Златоустъ.

кви бысть? Которыя тайны святыя ввѣришася вамъ? Како и чимъ Христу приобщися? Чимъ освятися? Который чинъ священный содержите, и которую святыню имѣете, и кто духовныи дѣла творить? По коимъ святымъ правиломъ святыхъ отецъ? Явите. ¹⁾ ²⁾ Се свѣтильникъ златъ весь и 7 свѣтильникъ верху его и 7 ячаиць свѣтилъ его. Свѣтильникъ златъ знаменуеъ святую церковь, 7 свѣтильникъ—7 соборовъ святыхъ отецъ, 7 ячаиць—7 святыхъ тайнъ церковныхъ показуеъ.

Соборъ ³⁾, послѣдуяй прежь его бывшимъ святыхъ отецъ соборъ, той соборъ святъ есть, непослѣдуя же прежь его бывшимъ святымъ соборамъ—не святъ, но и скверненъ, нечистъ есть и отверженъ. Соборъ обители вапихъ самочинцовъ неосвященныхъ, лжеучителей святъ ли или ни? Которымъ святыхъ апостолъ и святыхъ отецъ собору вѣренъ? Имѣетъ ли ся въ немъ Христова церковь, краснѣйша солнца и свѣтлыя свѣтильникъ 7 и 7 ячаиць? Свѣтитъ ли когда или ни? Солнцемъ, луною и звѣздами просѣщаютъ ли когда истиннымъ свѣтомъ или ни? Скажите. Святъ и вѣренъ како еси есть? Сынъ церкви по которымъ тайнамъ бысть? Чимъ Христу приобщися? Чимъ освятися? Которыя тайны ввѣришася вамъ? И отъ коего святителя и коимъ чиномъ духовнымъ церковныи тайны творить? Явите намъ. Согласно ли есть учение лжепророковъ и лжеучителей ⁴⁾, которыи по свиткомъ, цвѣтникамъ ли цовымъ учили о всемирной кончинѣ о антихристѣ: вѣра пала, церкви нѣсть, пречистыхъ тайнъ Христовыхъ, священства и прочаго? Како и отъ кого не стало въ васъ? Право ли есть учение ихъ или богопротивно? Пріято ли есть церковію или неприятно?

Г. Глава 20. Твердо ли вѣрны есте преданію святой вѣры, юже предаша святіи апостоли и святіи отцы 7 соборовъ утвердили? ⁵⁾ Твердо ли церковное преданіе держите? И святіи догматы, и тайны, и святыню? ⁶⁾ Таковъ намъ подобаше архіерей преподобный: незлобивъ, безскорбенъ, отлученъ отъ грѣшникъ и выше небесъ бывшій. ⁷⁾ Христось пришедъ архіерей грядущихъ благъ большею и совершенною скиніею нерукотворенною. Златоустъ тол. ⁸⁾ Вмѣсто безчисленныхъ іереевъ единого архіерея—Христа имамы. Архіерей единъ есть вѣрнымъ Сынъ Божій, могій сихъ, ихъже есть архіерей, свободити отъ грѣховъ кровію своею; ⁹⁾ и кровь Ісуса Христа Сына Его очищаетъ насъ отъ всякаго грѣха. Тайну сказа Богъ воли своя вѣрнымъ, ¹⁰⁾ юже положи прежде о Христѣ, о немъже имамы избавленіе кровію Его и оставленіе грѣховъ. Тѣло наше и кровь не объ-

¹⁾ Глава 4. Святыи пророкъ Захарій видѣ свѣтильникъ. ²⁾ Книга Ключъ разумѣнія листъ 28. ³⁾ Книга Кормчая 641. ⁴⁾ Со свят. соб. свят. отецъ. ⁵⁾ Книга Кирил. 81. ⁶⁾ Къ Евреомъ 318. ⁷⁾ 325. ⁸⁾ Вѣра. Листъ 58. ⁹⁾ 1 Іоан. 68. ¹⁰⁾ Ефес. 1. 217

являетъ намъ воли Божіи ¹⁾. ²⁾ Тако бо и на всѣхъ 7 вселенскихъ соборахъ всѣми святыми отцы утвержено писаніемъ и царскими златыми печатами, что во исповѣдавѣданіе православныя вѣры ни приложить ни отъять. Аще ли кто смѣетъ приложить или отъять или что премѣнить, да будетъ проклятъ. Тайнымъ своимъ татемъ и необъявленнымъ волкомъ твердо ли и непревратно стоите и вѣрите въ законъ и ученіи неосвященнымъ самочинцомъ, которыи уморяють и погубляють души ваши, удаленія ради пречистыхъ тайнъ и священства? ³⁾ ⁴⁾ Тать не приходитъ, развѣ да украдетъ и убіетъ и погубитъ ⁵⁾; понеже убо и Іудѣ и Ѳевдѣ послѣдовавшіи заколени быша и погибша, тако же убо разумѣй и прочимъ еретикомъ, отступникомъ, и татемъ, и волкомъ, которыи похищаютъ и погубляють.

(и. 87). У. Глава 21. ⁶⁾ Учитель вѣрныхъ Духъ Святыи, утѣшитель же Духъ Святыи, Егоже послетъ Отець во имя Мое; Той вы научитъ всему. ⁷⁾ Духъ истинный, иже отъ Отца исходитъ, Той свидѣнелъствуетъ о Мнѣ. Уготова Богъ и Отець о Христѣ Іусуѣ, яже имъ міру дарованная, неизреченная благая отъ служенія. ⁸⁾ Законъ благодатный, крещеніе, причастіе, пріятіе Святаго Духа, священство, покаяніе и оставленіе грѣховъ, воскресеніе чистоты и красоты, правду и освященіе, избавленіе, царство небесное, и свобожденіе муки вѣчныя ⁹⁾. Учители образъ да будутъ вѣрнымъ словомъ, житіемъ и любовію, духомъ, вѣрою, чистотою. Внимай себѣ и ученію и пребывай въ нихъ, скверныхъ же тщегласій, бабінхъ басней отрицайся, обучай же себе къ благочестію ¹⁰⁾. Учители, дерзновенно обличающе и запрещающе, слово проповѣдати имѣють, еже въ правду, да совершенъ будетъ Божіи челоуѣкъ и на всяко дѣло благо уготованъ ¹¹⁾. Будетъ бо время, егда здраваго ученія не послушаютъ, но по своихъ похотехъ изберуть себѣ учителя, чешими слухомъ, и отъ истинны слухъ отвратятъ и къ баснямъ уклонятся. Отступятъ нѣцыи отъ вѣры, внемлюще духовомъ лестнымъ и ученіемъ бѣсовскимъ въ лицемѣрїи лжесловеснымъ, сожженнымъ своею совѣстію, возбраняющимъ женитись, удалятись отъ брашенъ. Учители, и крестители, и духовники, аще есть истинни, правни и нечешими слухомъ, которыи дверьми вшелъ еси въ церковь Христову? ¹²⁾.

ОУ. Глава 22. Услышите сладкаго учителя Господа нашего Іуса Христа, еже рече ученикамъ своимъ ¹³⁾: Слушай васъ, Мене слушасть, и отменяйся васъ, Мене отме-

¹⁾ Матѣ. 16. 67. ²⁾ Книга Кирил. 44 листъ. ³⁾ Явите намъ. ⁴⁾ 57. Іоан. 36. ⁵⁾ Тол. ⁶⁾ Іоан. 14 зач. 48. ⁷⁾ Зач. 58. ⁸⁾ Свят. Каллистъ. Слово 48. ⁹⁾ 1 Тимое., глава 4. 285. ¹⁰⁾ II Тимое. 4. 297. ¹¹⁾ Той же. ¹²⁾ Явите намъ. ¹³⁾ Евангелїи Луки, зач. 51.

таеть, отметаеть и пославшаго Мя ¹⁾. Иже, кто удаляеться священннхъ и не начинаеть божественнхъ,—сей есть безбоженъ ²⁾. Учительства и священства достоинство велико есть и чюдно и во-истину Божиаго требующий отвѣщанія тако, яко достойнаго на средѹ привести. ³⁾ Учитель есть богатство церкви и аще будетъ кто въ глаголаніи сіяай, не того точію похваляють, но и всю церковь. Чюднаго имуть учителя христіане и обще стяжаніе и богатство. ⁴⁾ Егда убо кто и словомъ наказуетъ и житіемъ, всѣхъ есть большій. Учителю подобаеть быть якожь доилицѣ: ⁵⁾ якоже донлица грѣветъ своя чада, тако подобаеть учителю быти. Учитись безъ стыдѣнія и учити безъ зависти. ⁶⁾ Ученіе скрываай подобенъ есть злымъ женамъ, раждающимъ младенцы съ чюжими мужами. ⁷⁾ Мірскій человекъ да не учитъ и не творитъ себе пастыря, овца сый, и глава да не мнится, нога сый, но повиноватись преданному отъ Бога чину ⁸⁾ Услышимъ убо и мы, братіе, елицы хоцемъ Христа приимати. Возможно убо есть и нынѣ приимати Его. Услышимъ и возревнуемъ и многимъ подвигомъ и вѣрою приимемъ Его, ибо егда нища и нага приемлемъ, того самого Христа приемлемъ; и какъ егда плоть и кровь Христову приемлемъ, того самого Христа приемлемъ, тѣмъ же убоимся и вострепещемъ, еда недостойно приимемъ (об.). Учители ваши самочинныи благочестивые ли церкви, посвященна ли или ни? ⁹⁾ Служають ли Христова ученія и святыхъ апостоль и святыхъ отецъ или ни? Какъ они Христа приемлють, пречистыя тайны, и священство, и церковныи тайны и святыню или ни? Почто удаляються священннхъ и не начинають божественнхъ? Почто ученіе Христово, и тайны, и священство скрываютъ? Почто неданное на себе восхищаютъ и духовные дѣла творять? По коимъ правиломъ? Не вѣсте, како пожре земля 14700 ученія Корреова?

Ф. Глава 22 ¹⁰⁾. Философіа внѣшняя нѣсть истинная, аже бо о внѣшнихъ глаголы точію суть и дѣтей игралища ¹¹⁾. Философіа духовна богатство есть, аще научится философъ быти изначала, богатство стяжа много, всякаго богатства больше и славу и честь паче всѣхъ сильнѣйшу. ¹²⁾ Философіа есть ежебы получи Бога знать и боятись и самыхъ себе, что есть душа. Сіе философіе и любомудріе спасаетъ. Святый Іоаннъ Дамаскинъ отвѣщаетъ философскіи: душа есть духъ умень, всегда живущъ, всегда движущесе, сущи безсмертна, вельми лѣпа и прекрасна, самовластна къ доброй и злой воли, Богомъ любима и вельми жадаема. ¹³⁾ Святый

¹⁾ Благовѣст. Луки, листъ 21. ²⁾ Бесѣд. 2405. ³⁾ Листъ 924. ⁴⁾ Листъ 929. ⁵⁾ 2799. ⁶⁾ Кормчій. Листъ 257. ⁷⁾ Соборъ 6, прав. 64, листъ 198. ⁸⁾ Евангеліе тол., недѣля 4, листъ 212. ⁹⁾ Объявите тайныхъ учителей ученіе, правои ли ни? ¹⁰⁾ Златоустъ 1873. ¹¹⁾ Ко Ефес 1800. ¹²⁾ Зерцало о богослов. ¹³⁾ Зерцало богослов.

Амвросій отвѣщаетъ богословскіи: душа есть естество созданное, невидимое, разумное, легкое, самовластное, безтѣлесное, вѣчное, безсмертное, богоподобнѣйшее, образъ имущи Создателя своего. ¹⁾ Богъ есть свѣтъ неприступенъ, неизречененъ, безначаленъ, безконеченъ, неописанъ, присно сущенъ, непостижимъ и превѣчный, тако и душа есть: невидима, неосязаема, безсмертна и богоподобнѣйша; при души есть разумныя иныя силы: воля, память, доброта, мысль, разумъ, хитрость, мечтаніе, чюство, разсужденіе и самовластіе. Сіи всегда при души, яко слуги предстоятъ. ²⁾ Бога никто же видѣти не можетъ. Богъ любви есть, и аще другъ друга любимъ, Богъ въ насъ пребываетъ. ³⁾ О Бозѣ не испытословити, обаче знати и боятись Его подобаетъ и заповѣди Его хранити. Иже вездѣ сый и вся исполняя, содѣтель и вседержитель; въ мірѣ есть, яко Правитель и Творецъ всей твари. Между аггелы яко пища и сладость, въ церкви есть, яко въ дому Владыка, въ души нашей, яко женихъ въ чертозѣ, между праведными помощникъ и защитникъ, между грѣшными злыми и лукавами, яко отмститель. Зрите убо, суемудренніи философіи, како осуетистесь помышленіи вашимъ и омрачися неразумное сердце ваше. Глаголющесе мудрыми быти,—объюродѣсте. Почто остависте святыхъ свѣтильниковъ церковныхъ ученіи о Бозѣ, о души, о церкви, о церковныхъ догматахъ, о священствѣ? Разсмотрите убо, откуда безчисленная вамъ прозябоша злая, откуда ересей прозябе пагуба, откуда безвѣріе и тьма зловѣрія привниде, аки блато отъ гнилаго источника. произыде горька вода яду зміева? Се свѣтозарная луча отъ устъ Христовыхъ произходитъ. Воззрите, да не падете въ яму погибельную.

(л. 88). **Х. Глава 24** ⁴⁾. Христосъ есть глава челоукомъ по плоти. Едину главу всѣмъ есть по плоти положилъ есть Христа и аггеломъ и челоукомъ, сирѣчь и аггеломъ едино даде начало и челоукомъ. Симъ убо есть по плоти, онѣмъ же еже есть Богъ—Слово. ⁵⁾ Христосъ неизреченно прекрасенъ бѣ, яко ниже есть мощно изрещи. ⁶⁾ Христосъ есть одѣяніе наше. Слыши апостола глаголюща: Елицы во Христа крестистесь, во Христа облекостесь. ⁷⁾ Аще во Христа облечешися, и бѣсове тебе убоятся; аще же въ злато, и челоуцды посмѣются. Облецайся убо цѣломудріемъ, чистотою ⁸⁾. Христосъ нарицается Пастырь Добрый, овца — христіане. Овцы гласа Моего слушаютъ и по Мнѣ грядуть, и Азъ животь вѣчный дамъ имъ. ⁹⁾ Христіанинъ нарицается имени ради Христова отъ святаго крещенія и отъ хризмы, сирѣчь отъ помазанія святымъ миромъ, аки во евреохъ царемъ архіереомъ, и нарицаемъ христіане, яко хризмомъ помазани, и

¹⁾ Зерцало о богослов. глава 12. ²⁾ Евангеліе Іоанна. Зач. 2. Зач. 73. ³⁾ Свят. Августинъ на Матѣ. глав. 6. ⁴⁾ Златоустъ. Бесѣд. 1581. ⁵⁾ 2117. ⁶⁾ 2148. ⁷⁾ 2149. ⁸⁾ Іоаннъ 36 и 37. ⁹⁾ Алфавитъ буква х.

во Христа Бога вѣруемъ и заповѣди Его хранимъ ¹⁾ Христианинъ, не творяй заповѣди Христовы, ругатель Ему есть. Толкъ: Отъ нареченія пользы не приѣмлетъ. Вѣра безъ дѣлъ мертва есть. Святой Иоаннъ Лѣствичникъ ²⁾. Христианинъ есть подражаніе Христоу, якоже мощно есть чловѣку словомъ, и дѣломъ, и мыслию во святую Троицу правъ и безъ порока вѣровать и вся Христовы заповѣди евангельскія хранили. ³⁾ Вѣрному христианину, яко свѣтилу міру подобаетъ быть и вездѣ знаему и всѣмъ церковнымъ тайнамъ вѣрну быти. ⁴⁾ Христианинъ есть, иже въ Бозѣ живетъ благочестно и боголюбезно пребываетъ. Христианинъ нарицаешись, аще еси вѣренъ. Почему и како еси христианинъ? Како вѣренъ? Совершенно ли крещенъ? Имаши ли печать и даръ Святаго Духа? Святы миромъ помазанъ, или ни? Мнишись христианинъ, исповѣдуеши ли пречистыя тайны Христовы причащенія? Имаши ли отца духовнаго іерея или ни? Честный и животворящій крестъ Христовъ, иже на просвирѣ на освященіе души приѣмлешь? Дору хлѣбъ Богородицынъ и просфиру и прочія церковныя святыни? Не раздираеши ли Христову ризу церковное соединеніе, яко Арій? Не похуляете ли на священныя чины, якоже волкъ Македоній на Святой Духъ? Не возхищаеши ли недарованная, якоже Дафанъ и Авиронъ, или яко волкъ и тать? Не просѣцаеш ли инъ путь необыченъ, яко же Іюда и Ѳевда? Духовная твориши и крестиши. Коими дверьми и коимъ чиномъ вшелъ въ христианское стада, тать и волкъ сый въ кожи овчій, поядаети и погубляети христианскія души? По коимъ святымъ правиломъ дѣйствуеши? Яви намъ.

Г). Глава 25. ⁵⁾ Отъ устъ праведнаго искаплетъ премудрость, усты же мудрыхъ свѣдятъ благодать. Уста мудрыхъ почуются премудрости, правда избавляетъ отъ смерти ⁶⁾. ⁷⁾ Премудрость же глаголемъ въ совершенныхъ; премудрость же не вѣка сего, ни князь вѣка сего престающихъ; но глаголемъ премудрость Божию въ тайнѣ сокровенную, юже предустави Богъ прежь вѣкъ въ славу нашу. ⁸⁾ Премудрость же, глаголемъ, въ совершенныхъ, премудрость же, глаголетъ, проповѣдь и образъ спасенія, еже крестомъ спастися, совершенныхъ же вѣровавшихъ крещеніе ⁹⁾ просто воду быти нетцуетъ, но души очищеніе сущіе Духомъ. Азъ же вѣровахъ, яко и душа бысть чиста же и свята, и вмѣняю гробъ, воскресеніе освященіе, правду, искупленіе, сыноположеніе, наслѣдіе, царство небесное, Духа Святаго поданіе, печать и даръ святое причащеніе (об.). ¹⁰⁾ Отступленіе вѣры всѣмъ злымъ виновно. Вѣры отступити—Бога есть отступити. ¹¹⁾ Отступленіе

¹⁾ Василий Вед. прав. 45. ²⁾ Слов. 1. ³⁾ Благовѣст. нравоуч. 1. ⁴⁾ Катихисъ глав. 1. ⁵⁾ Прич. 10. ⁶⁾ Премудрость Христа знам. ⁷⁾ 1 Коринѣ. зач. 126. ⁸⁾ Златоустъ. Бесѣд. 579. ⁹⁾ Листъ 580. ¹⁰⁾ 1 Тимое. 2461. ¹¹⁾ 1 Солун. 2 листъ. 2333.

вѣры. Что есть отступленіе? Того самого антихриста нарицаетъ отступленіе, яко многихъ имуща погубити и отставить, тако рече: соблазнить, аще мощно, и избранныя. Отступленіе оно и премененіе и нарушеніе вѣры како разумѣете: антихристовъ ли приходъ по числу его 666 или воинство его, разоряющее церковь? ¹⁾ Духовно ли быть антихристу или чувственно? Како сядетъ въ церкви Божіи? Что есть мерзость запустѣнія станеть на мѣстѣ святѣ и что дастъ знаменіе? Тако же Іліи и Еноху быть ли или ни? ²⁾ Духъ же явственнѣ глаголетъ, яко въ послѣдняя времена отступятъ нѣдци отъ вѣры, внемлюще духовомъ лѣстивымъ и ученіемъ бѣсовскимъ, сожженнымъ своею совѣстію, возбраняющимъ женились, удалялись отъ брашенъ и прочее. Сіе отступленіе въ послѣдняя времена. О конхъ отступникахъ разумѣете? Кто они есть? ³⁾ На отступники и на схизматики лютое ничто же тако раздражаетъ Бога, яко еже церкви раздѣляться; ничто же тако церковь можетъ раздѣлить, якоже любоначалие. Суть бо мнози, радующіися о злыхъ, и тѣло Христово разтерзающіи, паче нежели воины копіемъ пресѣкоша или іудеи гвоздми прободоша. Оное есть меньшее зло; оніи пресѣченіи уди паки совокупишася; сіи же не къ тому совокупятся, но внѣ пребываютъ церковнаго исполненія и мира Христова. ⁴⁾ Нѣсть ли въ васъ раздирателей ризы Христовы? Нѣсть ли разтерзателей тѣла Его, невѣрствующихъ ругателей на священный чинъ? Чимъ согласуетесь Христу и сообщаетесь?

Ц. Глава 26. ⁵⁾ Царь есть господинъ дому. Сей нѣкто увидитъ уставленный чинъ въ коемъждо дому: есть въ чину убо царя—мужъ, въ чину іерарха и воеводы—жена, а дѣти по сихъ началъ 3, тажъ по сихъ началъ 4 еже рабовъ, и тии обладаютъ меньшими. Градъ есть коегождо домъ. ⁶⁾ Господинъ дому царь есть и надъ всѣми яко подобаеть ему строительнѣйшу быть и градоправительнѣйшу. Владѣеть же ною мужъ; жена дѣтьми и рабами; и раби. своими женами. Паки жены и мужи своими дѣтьми владѣютъ и учать заповѣдемъ Божіимъ. ⁷⁾ Аще сице правимъ дома своя, и къ церковному настоятельству будемъ ключими, и домъ бо церковь есть малая. Тако лѣтъ есть мужемъ и женамъ бывшии благимъ всѣхъ превосходить добродѣтелями своими. Церкви имя согласіе есть, имя и единомыслія. ⁸⁾ Церковь же Божію нарицаетъ, показываетъ, яко соединятися ей достоить ⁹⁾; и едина есть не точію въ Коринфѣ, но и по всей вселеннѣй едина. ¹⁰⁾ Церковь есть домъ отчій, едино тѣло и единъ Духъ; якоже бо и тѣло и глава единъ есть человекъ ¹¹⁾, тако церковь и Христа едино быти глаголетъ. Церковь Христова выну пребываетъ, слава Его въ церкви Его; добръ тако ре-

¹⁾ Явите о семъ намъ: како онъ родится. ²⁾ Зач. 284. Златоустъ тол. 2461. ³⁾ Зри 1692, 2066. ⁴⁾ Явите намъ о семъ. ⁵⁾ Златоустъ 969. ⁶⁾ Листъ 1811. ⁷⁾ Листъ 1787. ⁸⁾ 1466. ⁹⁾ 510. ¹⁰⁾ 1695. ¹¹⁾ 904.

че: 1) сія бо вѣсть едина пребывать выну и хоцетъ, да той прославляется отъ насъ до скончанія во вся роды вѣка вѣкомъ. Аминь. 2) Церкви не снѣдати не раздирати, даже доколѣ снѣдаешъ церкви корень, доколѣ якоже червѣ точите и грызете, ибо якоже тѣло мертвое церковное вижду множество повреждено нынѣ; и якоже въ тѣлеси новоумерщвленномъ лѣтъ убо видѣти рудѣ, нозѣ и главу, но ни единаго убо, яже своя творяща (л. 89), тако убо и здѣ вси суть вѣрніи, но нѣсть вѣра дѣйствена, теплоту бо погасихомъ и Христово тѣло мертво содѣлохомъ. Имена братій, а вещи супостатовъ. Уди нарицающесе вси, и, яко звѣри, разлучихомся. И о семъ разсмотрите, о боголюбивіи, таможь и вы, разколюбніи раздиратели. Почто цяркви Христовы ратуете и разлучаетеся? Почто главы не имѣете? Почто мертвы сотвористесе и, яко же черви, угрызаете и снѣдаете и сами умираете безвѣриемъ, вѣчною смертію? Церкви Христовы и причпстыхъ тайнъ, и священства и прочихъ церковныхъ святынъ лишаетесь? Явите намъ.

Ч. Глава 27. Честнѣйшій небесъ что есть? 3) Человѣкъ паче видимыхъ есть честнѣйшій, надъ человекѣ бо ничтоже отъ видимы равно есть у Бога, ибо небо, и землю, и море онога ради сотворилъ есть и въ немъ пребывай паче веселится, нежели на небеси 4). Человѣкъ паче аггелъ предпочтенъ, и человекѣ на великую высоту возведе, посади бо его, рече, одесную его; помышляй престолъ царскій, помышляй чести превеличество, устрашись, да не отпадеши главы—Христа, да не лишишия вѣнца 5). Человѣкъ безсмертно животно и яко горѣ сущимъ сроденъ. Земля человекѣ, пепель человекѣ, трава, цвѣтъ сельный 6). Человѣкъ есть второй міръ малый: есть небомъ, и землею, и, яже суть на небеси и на земли, видимая и невидимая, имать человекѣ въ себѣ зеркало 7). Человѣкъ церковь духовная есть, ибо человекѣ отъ церкви есть честнѣйшій 8). Аще бо церковь разскопати люто есть и неподобно, кольми паче иже храмъ духовный? Аще кто храмъ Божій тлитъ, разтлѣитъ сего Богъ 9). Человѣкомъ кто хоцетъ угождати, Христу рабъ быти не можетъ. Честность ваша, человекѣ нарицаетеся, честнѣйшіи, вѣрніи, предпочтенныи, и мира мнитесь отлученныи суетныхъ. Чинъ ваша святыни каковъ имѣется во священномъ церковномъ причтѣ? Благочестіе, вѣру, крещеніе, святое миро, пречистыя Христовы тайны, священство—есть-ли истинное въ васъ? И по чему познать васъ вѣрныхъ 10)? Что есть человекѣ, предпочтенный паче аггелъ? Како и почто діадимую почтенъ? По чемъ безсмертно и животно? Како Христа главы соприобщенъ есть? Что есть

1) 1639. 2) 1425. 3) Листъ 263. 4) 1598. Зач. 219. 5) Діадимы. 2084.

6) Богослов., глава 12. 7) Златоустъ 437. 8) Рим. зач. 182. 9) Галат. 1. 199.

10) Явите намъ во увѣреніе.

человѣкъ—второй малый міръ нареченъ, и почто небомъ и землею? Почто есть человѣкъ церковь духовная названъ? Которыхъ ради великихъ тайнъ? Честность ваша мните себе нарицаетея церковію. Духовная-ли или чювственная? Христова ли или самосмышленная? Что есть основаніе церкви, и украшеніе, и утвержденіе? Кто есть церковный служитель и которыхъ тайны дѣйствуетъ? Како честію предпочтенъ? Кто освятить, и благословить, и просвѣтитъ учителя вашего? Что мните лучше и хотите: Христу ли или человѣкомъ угождати? Церковь ли и храмъ духовный разлѣтити или разлѣтитися и главы Христа отлучитися и вѣчно мучитися?

III. Глава 28 ¹⁾. Шествуемъ и послѣдуемъ за предводителемъ нашимъ и пресвѣтлымъ солнцемъ и главою—Господемъ нашимъ Іеусомъ Христомъ путемъ истиннымъ, свѣтомъ святаго евангелія по заповѣдемъ Его, и послѣдуемъ непрелестнымъ и свѣтлымъ звѣздамъ святыхъ апостолъ и святыхъ отецъ преданію и ученію, единомъ благочестіемъ и вѣрою правую ²⁾. Шествуемъ и благодаримъ Творца своего, яко сотворилъ ны есть по образу своему (об.) и дарова намъ даръ — душу пресвѣтлую, разумную, невидиму, бессмертную, вѣчную, многовидну и равну аггеломъ. ³⁾ Шествуемъ и благодаримъ Бога Творца своего, яко насъ ради сотвори небо и землю, свѣтъ, солнце, луну и звѣзды, море, рѣки, воды, рыбы, птицы, и скоты, и звѣри и всяко животно. ⁴⁾ Шествуемъ во свѣтъ Его и благодаримъ, яко насъ ради сниде на землю Сынъ Божій и дарова намъ законъ и пророки, и познаніе правды — евангельскую проповѣдь, и апостольское благовѣстіе, вѣру, крещеніе, причащеніе, священство и покаяніе и прочія церковны тайны и освященіе ⁵⁾. И сего ради наипаче благодаримъ Творца своего, яко яви намъ едину церковь, едино крещеніе, едины тайны, единъ честный и животворящій крестъ и воскресеніе и нетлѣніе жизни вѣчныя, честною кровью Своею отъ смерти вѣчныя и отъ ада и муки свободы и рай затворенный отверзе. ⁶⁾ Шествуяй, непрелестный и живоносный путь, око убо да извержетъ нечювственное, но умное, сирѣчь аще епископъ или презвитеръ неподобно служатъ и соблажняютъ люди, подобаеть изверещи ихъ. ⁷⁾ Аще епископъ или іерей законъ и повелѣніе пмать развращенно, не слушай его, яще и аггелъ будетъ, не покоряйся ему, не послушай прелести ни во всемъ, ниже испол. ⁸⁾ Шествуетъ ли во тьмѣ широту житія сего и послѣдуетъ пастырю неискусну, безъ муки не будетъ; или аще слѣпецъ слѣпца ведетъ, оба въ яму впадутъ. О, люте велика яма—бездна адская, въ нейже тьма, смрадъ, червіе,

¹⁾ Алфавитъ и цвѣтникъ духовный. III. ²⁾ и ³⁾ 2. 3. ⁴⁾ 4. ⁵⁾ 5. ⁶⁾ Свят. Афанасій Вел., Никонъ Чер. Горы. ⁷⁾ Свят. Златоустъ. Прологъ іюня 1 день. ⁸⁾ Свят. Іоаннъ Лѣствич.

гладь, хладъ, слезы, скрежетъ зубомъ, огонь неугасимъ, страхъ, смерть безсмертная, а собесѣдницы всѣ злобніи бѣсове, въ нюже единою впадѣй, никогдажъ свободится. Засимъ разсмотрите путь шествія своего. И вы, мнящіися быть мудры, и вѣрніи, и воздержніи, коимъ путемъ шествуете? Узкимъ или пространнимъ? Широкой путь и пространная врата ведетъ въ пагубу. Христовой ли правдѣ путемъ истиннымъ идете и во свѣтъ ли ходите или во тьмѣ прелести? Которымъ свѣтлымъ звѣздамъ послѣдуете или темнымъ и мрачнымъ? Не слышасте ли: нѣсть части свѣта со тьмою, нѣсть части Христу съ Велиаромъ, ни правдѣ съ неправдою, ни добродѣтели со злодѣяніемъ? Кій миръ у енѣ со псомъ, или кая община волку со агнцемъ, или вѣрному христіанину съ невѣрнымъ, и неблагогодарнымъ, и развращеннымъ.

III. Глава 29. 1) Щедръ и милостивъ Господь, долготерпеливъ и многомилостивъ, благъ Господь всяческимъ, и щедроты Его на всѣхъ дѣлехъ Его. 2) Се же благихъ вина есть. Божія благости неизмѣрна милость и пучина челоуѣколюбія, яко невозможно есть челоуѣку измѣрити высоты небесныя и глубины морскія, тако невозможно уму челоуѣчю Божія величества постигнути, Божія челоуѣколюбія и щедротъ, еже сотвори на челоуѣцѣ. Тако бо Богъ утверди милость свою, яко и Сына Своего любимаго даде зань умерети 3), и удали Богъ безчестіе отъ челоуѣка и украси ризою—крещеніемъ и не точію спасе, но и вѣчныя славы и царствія небеснаго сподоби. 4) Но сего ради Христосъ умре и кровь свою пролія, да намъ подасть безсмертіе, и алченъ бысть, да плотію своею напитаеъ, жаденъ бысть, да ны кровію Своею напоитъ, крестися, да ны очиститъ (л. 99) отъ грѣховъ омыеъ и сподобитъ и спасетъ отъ скорби и муки избавитъ. 5) Щедръ и милостивъ Господь, и кто изслѣдитъ дѣла Господня и державу величества Его, кто изочтетъ и кто прилѣжитъ исповѣдать милость Его. 1. Первѣе Богъ сотвори насъ ради небо, землю, свѣтъ, солнце, луну и звѣзды, рай и вся, яже суть подъ небесемъ. 2. Второе, яко отъ небытія въ бытіе сотвори челоуѣка, и душу животну вдохну, и всякими чювствы и составши пречюднѣ украси и предпочте. 3. Яко сотвори Богъ челоуѣка подобна аггеломъ въ тѣлѣ, славою и честію вѣнчавъ яко царя, въ тое мѣсто, изъ котораго испаде сатаня діаволь. 4. Яко преступяшимъ заповѣдь Его насъ ради сниде на землю, даде законъ, пророки и познаніе правды Его—евангеліе, апостолы, благовѣстники и учителя. 5. Яко показа намъ едину церковь, едино крещеніе, причащеніе святыхъ тайнъ, священство, покаяніе, законный бракъ и прочія святыя церковныя тайны и святыню. 6) Священство вельми потребно

1) Псаломъ 102. 144. 2) Тол. Феодорита. Псаломъ 102. 3) Яко есть писано. 4) Свят. Афанасій тол. 5) Псаломъ 144. 6) Златоустъ о 7 Тайнахъ.

есть, иже безъ него не могутъ быти исправлены церковныя тайны, и кромѣ священства стояти тайны не могутъ. Священство бо на семь свѣтѣ есть, яко душа въ тѣлѣ, и, яко солнце, свѣтитъ всей земли. 6. Яко, аще и тьмами тѣмъ согрѣшивше, припадаемъ и каемся Богу, милостивно пріемлетъ; и дарова намъ пречистную плоть и кровь Свою на очищеніе и во оставленіе грѣховъ и въ жизнь вѣчную. 7. Яко по отшествіи отсюда, мало въ чемъ угодивше, жизнь вѣчную уготова и царство небесное дати обѣща, не на тысящу или 100 лѣтъ, но во вѣки вѣкомъ. Сія и множайшая безчисленныя щедрота Божія невозможно изчислить, да мы за вся благодаряще вѣрою и любовію Богу соединимся и причастницы и наслѣдницы жизни вѣчныя сподобимся быть благодатію и щедротами Господа нашего Ісуса Христа. ¹⁾ Не устнами точію благодаримъ Бога, да не о насъ речется: людіе сіи устнами чтуть Мя, сердцемъ своимъ далече отъ Мене отстоятъ, елицы неблагодарни на хулу Божию живутъ, не достойни суть и солнце зрѣти, ниже наслаждаться тварей, славящихъ Бога Творца своего. Помысли колікія бѣды и щеты чадомъ и сыномъ Божиимъ бывши за лѣность отпасти живота вѣчнаго и царства небеснаго лишитись и въ пагубу, въ геенну посланомъ быти. Не благодаряй Бога—хульникъ есть, не благодаряй Бога горши пса есть. Засимъ молю убо васъ щедротами Божиими, явите насъ благочестія вашего вѣрны ли Христову евангелію, еже рече Господь: ²⁾ Слушайя васъ, Мене слушаетъ отменяяся васъ, Мене отменяетъ, отменяетъ и посланшаго Мя. ³⁾ Вѣрны ли есте благовѣстію и святыхъ апостолъ и святыхъ отецъ ученію и преданію церковныхъ догматъ или ни? Благочестивыхъ ли святыхъ отецъ преданіе и чинъ во обители вашей содержится, еже безъ священнаго чина и безъ святыни быть? Како нарицаетесь въ чину вашемъ и которымъ свѣтиломъ небеснымъ: солнцу, луны или звѣздамъ свѣтлымъ и непрелестнымъ или свѣтильникомъ свѣтлымъ послѣдуете? Люди вѣрны нарицаетесь и хрістіане, который чинъ священный имѣется? Святъ и вѣренъ почто нарицаеши? Кто ли тя сотвори свята и вѣрна? Яви намъ (об.). Откуда вамъ благодать и миръ? Какова святыня церковная есть ли въ васъ или ни? ⁴⁾ Идѣ же бо нарицается Христось, ту и соборная церковь сходится. Почтите епископа, яко самого Христа; іереи, яко сопрестольники и супруги апостоломъ, безъ нихъ бо церкви не просвѣщаются ниже святыя тайны совершаются. Неподобно убо есть безъ святителя ни крестити ни любви сотворить. ⁵⁾ И аще гдѣ священнаго чина не будетъ, ниже вѣрніи тамо могутъ быти, вѣрнымъ бо безъ попа не точію

¹⁾ Ісаакъ Сир. 29. Матѣ. 15. ²⁾ Лук. 51. ³⁾ Явите и напишите. ⁴⁾ Свят. Златоустъ. Прологъ марта 10 день. ⁵⁾ Златоустъ о 7 Тайнахъ.

креститись, но ни родитись ниже умрети лѣпо есть. ¹⁾ Иже аще кто убо удаляется священныхъ и не начинаетъ божественныхъ, сей есть безбоженъ. И аще который мнятся благодарны, благодати Божія и даръ Святаго Духа—крещеніе, миропомазаніе, причащеніе и священство и сыновство Божіе ни за что полагають, вѣру святую нравую и законъ Божій престопають и благодати и живота вѣчнаго лишаютъ. ²⁾ Коимъ подобны суть, неблагодарнымъ ли іудеомъ или еретикомъ, или отступникомъ, или прочимъ развратникомъ.

(С). Глава 30. ³⁾ О божественнаго, о любезнаго, о сладкаго ти гласа, съ нами бо неможно обѣщася еси быти до скончанія вѣка, Христе, Егоже вѣрнии державу и надежду имуще радуемся. ⁴⁾ Егда Господь нашъ Ісусъ Христосъ, воскресши изъ мертвыхъ, явися первѣе пречистѣй Матери Своей, рекъ: Радуйся, радованіемъ вѣчнымъ! И прочимъ женамъ, потомъ явися ученикомъ затвореннымъ дверемъ, рече: Миръ вамъ! и паки: ⁵⁾ Се Азъ съ вами есмь во вся дни до скончанія вѣка. Аминь. И не тѣмъ единымъ, но и всѣмъ вѣрнымъ. По истиннѣ убо достойны есмы радоватись, такову имуще надежду, яко и по общемъ всѣхъ воскресеніи пребывать съ Нимъ до скончанія вѣка и въ царствіи своемъ со всѣми святыми во вѣки вѣкомъ. ⁶⁾ О, Пасха велика, освященная Христе! О, мудрость, слово Божіе и сило, подавай намъ истѣе тебе причащатись въ невечернемъ дни царствія Твоего. ⁷⁾ Сконча здѣ тайну писатель рече и дивится, вельми бо, рече, свята и честна и непорочна сила и мудрость Божія пречистыхъ тайнъ тѣлу и крови Христовы величь причащатись; и паки: подавай намъ истѣе тебе причащатись въ невечернемъ дни царствія Твоего! ⁸⁾ Сія кровь содѣлываетъ, яко образъ въ насъ церкви цвѣтетъ, сія красоту и свѣтлость души укрѣпляетъ, сія бѣсовъ отгонитъ, сія весь міръ очистила есть, ⁹⁾ сія душъ нашихъ избавленіе, тою омывается душа, тою украшается, тою разпалается, тая мысль огня яснѣйши и злата свѣтлѣйши сотворяетъ, сія почестъ вся вселенныя. ¹⁰⁾ Сія есть кровь, ежже Христосъ насъ искуши и еуже міръ освяти и всю церковь Свою украси

О схизматицѣхъ ¹¹⁾, отдирающихъ себе отъ церкви въ той же вѣрѣ, за еже противная и церкви и закону и правиломъ творити. О сихъ разсмотреть и разсудить молю. Кто суть схизматики, раздирающіи соединенъе церковное въ той же вѣрѣ, и кто суть отдѣляющей единости вѣры, и кто осѣщающіи исполненіе церковное? ¹²⁾ Кто суть тѣло Христово

¹⁾ Благовѣст. Луки, листъ 21. ²⁾ Явите намъ яснѣйше. ³⁾ Канонъ Пасхальн. Пѣснь 9 стихъ. ⁴⁾ Тол. Свят. Іоанна Дамас. ⁵⁾ Матѣ. 28 тол. ⁶⁾ Стихъ 2. ⁷⁾ Тол. ⁸⁾ Бесѣдъ евангельскихъ Іоанна правоуч. 46. ⁹⁾ Бесѣдъ апостоль. 1602. ¹⁰⁾ Благовѣст. Іоанна. Зач. 23. ¹¹⁾ Златоустъ. Бесѣдъ. 1692. ¹²⁾ Явите намъ яснѣйше.

разтерзающіи и паче, нежели воины копіемъ и гвоздѣми прободоша? ¹⁾ Которіи паче разтерзають, іудеи ли, или римляне, или юниты, или отступники, или еретицы, или тайные тати и волки?

(л. 91. Я. Глава 31. ²⁾ Яко же солнце на небеси свѣтъ есть миру, просвѣщаетъ всю поднебесную и согрѣваетъ, и ни едино же мѣсто укрыется теплоты его, тако есть и слово Божіе: ³⁾ свѣтъ есть, и огонь, и меч остръ, и брашно души ⁴⁾. Живо слово Божіе и живетъ и не погасло. Тако же свѣтъ есть божественный заповѣди, о немъже пророкъ рече: Свѣтъ повелѣніа Твоя на земли ⁵⁾, и пакы: законъ Твой свѣтъ стезямъ моимъ. Тако и умъ нашъ свѣтъ есть и око души, и егда сей затмится грѣхолюбными помысли и страстьми, тогда душа и тѣло темно будетъ и лишено славы Божія, законъ и заповѣди Божія преступаетъ ⁶⁾.

Якоже бо рай другій, есть многоцвѣтенъ и благоуханенъ божественныхъ словесъ прочитаніе; отъ сего убо душамъ спасеніе приобрѣтаемъ, добродѣтель благоуханія собираемъ и мысленныя цвѣты отъемлюще духовнаго и спасительнаго меда душамъ нашимъ составляемъ. Рай яко возрастаетъ ⁷⁾ цвѣтъ нетлѣніа и древо животное честный и животворящій крестъ Христовъ, изъ негоже безсмертію причащаемся и живы будемъ.

Являетъ Благовѣстникъ ⁸⁾, яко церковь Христова и родъ христіанскій до скончанія вѣка имать быти; родъ, рече, не тогда сущій, но родъ весь христіанскій вѣрный. ⁹⁾ Являетъ же здѣ, яко церковь честнѣйшу имать паче всѣхъ тварей, ибо, аще и тварь измѣнится, вѣрныхъ же церковь, и словеса ея, и евангеліе никогда же; пребудеть же и родъ вѣрныхъ, ни единымъ отъ предреченныхъ пресѣцаемъ.

Въ увѣреніе святыи Андрей апокалиписиѣ толковомъ свидѣтельствуеетъ ¹⁰⁾: дѣйствуяй бо, рече, во антихристѣ диаволь на церковь Христову бранію вополчится, и жена, си есть церковь, побѣже въ пустыню, и тамо борющихъ бѣсовъ и лукавыхъ челоуѣкъ прилоговъ вѣрующіи христіане избѣгнутъ. Зри ¹¹⁾ отъ сего церковнаго учителя святаго Андрея сказаніе извѣстное, яко святая церковь Христова имать быти и при антихристѣ, и тайны церковныя въ ней пребывати имуть и священство, и никако же истребятся; и врата адова, по Христову словеси, не могутъ одолѣть ей. ¹²⁾ И якоже самъ Христосъ никогда не умираетъ, тако іерейство Его по чину Мельхиседекову не престаеетъ, престоало тогда архіерейство Аароново, яко временное, во-стало же Христово вѣчное. Сице мы вѣруемъ и исповѣдуемъ

¹⁾ 1692. ²⁾ Евангеліе поуч. недѣля 3. ³⁾ Зач. 300. ⁴⁾ 2827. ⁵⁾ Псаломъ 118. ⁶⁾ Евангеліе тол. недѣля 21, листь 316. ⁷⁾ Церковь есть. Тріодъ постна. ⁸⁾ Лук. зач. 107. Тол. ⁹⁾ Аминь, глаголю вамъ; не преидеть родъ сей. ¹⁰⁾ Слово 11. ¹¹⁾ Внимай и разумѣй! ¹²⁾ Книга Кирил. листь 76.

о церкви и о священствѣ и о догматахъ церковныхъ, яко имуть быти до окончанія вѣка. ¹⁾ Зри, внимай и разумѣй, яко ни едины тѣи иже догматы страшныя и нещреченныя погубляютъ, не получаютъ по Златоусту на страшномъ судѣ милости, сего грѣха мученическая кровь загладити не можетъ. Аще ли кто божественная ²⁾ писанія укаряетъ или оуждаетъ и полагаетъ на свой разумъ ни зачто нѣсть сего безумнѣйши на земли. ³⁾ Иже словесъ евангельскихъ не имѣетъ въ честь и не вѣритъ, да будетъ проклятъ. Иже развращаютъ о себѣ евангельская словеса и апостольска, да будутъ прокляты ⁴⁾. Явственне вѣдуще, яко иже мало что отъ содержимыхъ въ божественномъ евангеліи подвизая, во-истинну еретикъ есть.

¹⁾ Книга о Вѣрѣ 198. ²⁾ Іосифа Волоколам. Слово 5. ³⁾ Заповѣдь свят отца. Книга Правиль. ⁴⁾ Книга Кирил. 407. *Просимъ читателей вычеркнуть выноску, напечатанную на стр. 969 подъ № 1 (И кто суть тайные волки и тати), напечатанную здѣсь по ошибкѣ.*



САНКТ-ПЕТЕРБУРГСКАЯ ПРАВОСЛАВНАЯ ДУХОВНАЯ АКАДЕМИЯ

Санкт-Петербургская православная духовная академия Русской Православной Церкви – высшее учебное заведение, целью которого является подготовка священнослужителей, преподавателей духовных учебных заведений и специалистов в области богословских и церковных наук. Подразделениями академии являются: собственно академия, семинария, регентское отделение, иконописное отделение и факультет иностранных студентов.

Проект по созданию электронного архива журнала «Христианское чтение»

Проект осуществляется в рамках процесса компьютеризации Санкт-Петербургской православной духовной академии. В подготовке электронных вариантов номеров журнала принимают участие студенты академии и семинарии. Руководитель проекта – ректор академии епископ Гатчинский Амвросий. Куратор проекта – проректор по научно-богословской работе священник Димитрий Юревич. Материалы журнала подготавливаются в формате pdf, распространяются на компакт-диске и размещаются на сайте академии.

На сайте академии
www.spbda.ru

- события в жизни академии
- сведения о структуре и подразделениях академии
- информация об учебном процессе и научной работе
- библиотека электронных книг для свободной загрузки